

JAVNI POZIV ZA ADVOKATE, ADVOKATSKE KANCELARIJE I ADVOKATSKA DRUŠTVA

Na osnovu Odluke Privremenog Odbora povjerilaca društva „Koksara“ d.o.o. Lukavac, u stečaju, raspisuje se javni poziv za dostavljanje ponuda advokata, advokatskih kancelarija i advokatskih društava radi procjene mogućnosti uspjeha u najvećim sporovima koji se vode protiv stečajnog dužnika „Koksara“ d.o.o. Lukavac, u stečaju, imajući u vidu trenutno dostupnu dokumentaciju u sudskim spisima.

Predmet procjena je osam sudskih postupaka i to:

- **postupak 1** - stečajni dužnik je tuženi, privredni spor radi poništenja odluke o isključenju člana iz društva i poništenja skupštinskih odluka i odluke nadzornog odbora, v.sp. 77.581.326,00 KM, faza postupka (prije prekida zbog stečaja): razmatra se žalba tuženog pred drugostepenim sudom;
- **postupak 2** - stečajni dužnik je tužitelj, privredni spor radi uplate uloga, isplate zatezne kamate i naknade štete, v.sp. 139.341.724,60 KM, faza postupka (prije prekida zbog stečaja): razmatra se žalba tuženog pred drugostepenim sudom na odluku o prekidu postupka do okončanja drugog spora (postupak je prekinut u fazi pripremnog ročišta);
- **postupak 3** - stečajni dužnik je tuženi, privredni spor radi duga, v.sp. 5.916.509,94 KM, faza postupka (prije prekida zbog stečaja): dat odgovor na tužbu;
- **postupak 4** - stečajni dužnik je tuženi, privredni spor radi duga, v.sp. 1.249.383,53 KM, faza postupka (prije prekida zbog stečaja): dat odgovor na tužbu;
- **postupak 5** - stečajni dužnik je tuženi i protivtužitelj, privredni spor radi duga, v.sp. po tužbi 428.125,07 KM, v.sp. po protivtužbi 405.000,00 KM, faza postupka (prije prekida zbog stečaja): predmet vraćen na ponovno suđenje i izjavljena revizija po odluci;
- **postupak 6** - stečajni dužnik je tužitelj, privredni spor radi duga, v.sp. 727.428,94 KM, faza postupka (prije prekida zbog stečaja): razmatra se žalba tuženog pred drugostepenim sudom;
- **postupak 7** - stečajni dužnik je tužitelj, privredni spor radi duga, v.sp. 785.469,51 KM, faza postupka (prije prekida zbog stečaja): tužba podnesena.

Ponudu mogu podnijeti advokati, advokatske kancelarije i advokatska društva koji nisu i čiji članovi i uposlenici nisu niti u jednom trenutku zastupali ni savještovali stečajnog dužnika a ni bilo koju drugu stranu u bilo kojem postupku protiv stečajnog dužnika pred sudovima u Bosni i Hercegovini te koji nisu zastupnici bilo kojeg stečajnog povjerioca a niti će to biti u stečajnom postupku koji se vodi protiv stečajnog dužnika, o čemu je potrebno dostaviti ovjerenu izjavu uz ponudu.

Ponudu mogu podnijeti advokati, advokatske kancelarije i advokatska društva koji imaju odnosno čiji članovi imaju najmanje 10 godina iskustva u advokaturi, pri čemu lica sa najmanje 10 godina iskustva moraju imati najmanje nadzornu ulogu u davanju pravnog mišljenja; čija je pretežna djelatnost u praksi privredno pravo i koji su obavljali poslove zastupanje u najmanje 10 predmeta vrijednosti preko 500.000,00 KM, o čemu je potrebno dostaviti ovjerenu izjavu uz ponudu.

Stečajni upravnik može u svakom trenutku zatražiti pisane reference ili druge dokumente kao dokaz o ispunjavanju iznad navedenih uslova.

Ponudaču čija ponuda bude izabrana, dostavit će se relevantni dokumenti iz predmetnih postupaka, pod uvjetom da ponudač prije toga obezbijedi ovjerenu izjavu o tajnosti u nacrtu koji obezbijedi stečajni upravnik.

Rok za izradu procjene će biti osam dana nakon prijema dokumentacije.

Pismena procjena mora sadržavati jasnu naznaku kategorije kojoj predmet pripada uvažavajući sve materijalnopravne i procesnopravne indikatore, i to:

1. **Vrlo izgledan uspjeh** - činjenice i dokazi jasno idu u korist stečajnog dužnika; pravna osnova jaka; nema velikih procesnih rizika;
2. **Moguć uspjeh uz uočljive procesne ili dokazne rizike** – postoji valjana pravna osnova i relevantna činjenična potpora, ali se procjenjuje da određeni elementi spora (dokazni standard, sporna sudska praksa, rokovi) mogu značajno uticati na krajnji ishod tako da ipak bude nepovoljan;

3. **Uspjeh malo vjerovatan** - pravna i činjenična osnovanost potraživanja nije dovoljna da prema sadašnjem stanju stvari opravda očekivanje povoljne presude;
4. **Vrlo neizgledan uspjeh** - prema raspoloživim činjenicama i važećem pravu, ne postoje pravno održivi argumenti niti dokazni elementi koji bi mogli opravdati povoljnu odluku suda;

uz pojašnjenje razloga za takvu procjenu, po svakom pojedinačnom predmetu.

Ponuda mora biti u fiksnom iznosu (sa odvojeno iskazanim PDV-om ako je primjenjiv).

Dostavljanje ponuda vrši se na broj stečajnog predmeta:

Općinski sud u Tuzli

Na broj 32 0 St 494441 25 St.

Javni poziv će se objaviti na oglasnoj ploči i web stranici suda.

Javni poziv ostaje otvoren do 22.01.2025. godine, do 17:00 h.

Pored dostave sudu, zbog pravovremenosti dostave izvršiti i na e-mail adresu koksara.stecaj@gmail.com i o slanju i predaji obavijestiti na telefon broj 061 / 084-320.

S poštovanjem,

Almir Bajrić
Stečajni upravnik
„Koksara“ d.o.o. Lukavac – u stečaju